

দত্তা নিউজ

মূল কাগজ ১ পৃষ্ঠা মূল্য: ২০ টাকা

১৭ই আশ্বিন, ১৪৩১ বাংলা, বুধবার

পথেই বেড়ে উঠছে 'ফুল'



ঘড়ির কাঁটায় রাত ১১টা। ময়মনসিংহ রেলস্টেশনের প্ল্যাটফর্মে কেউ শুয়ে আছেন, কেউবা ঘুমানোর প্রস্তুতি নিচ্ছেন। একটি কন্সলের অর্ধেক বিছিয়ে শুয়ে আছে শিশু মোমেন মিয়া (১৪)। বাড়ি নেত্রকোণায়। সৎ মায়ের অত্যাচারে বাড়ি ছেড়েছে। কয়েক দিন স্টেশনে পানির বোতল বিক্রি করে এখন একটি হোটেল কাজ করে। তা দিয়েই কোনোমতে পেটেভাতে চলছে তার। কখনো স্কুল দেখেনি সে।

মোমেনের মতো ময়মনসিংহে কত পথশিশু আছে, সে তথ্য কোনো সরকারি দপ্তরে নেই। বাংলাদেশ পরিসংখ্যান ব্যুরোর পথশিশু জরিপ ২০২২ অনুযায়ী ময়মনসিংহে ৫ থেকে ১৭ বছর বয়সী পথশিশুর হার ৬ দশমিক ৯ শতাংশ। ময়মনসিংহ রেলস্টেশন ছাড়াও নগরের বিভিন্ন এলাকায় তারা অযত্ন-অবহেলায় বেড়ে উঠছে। পরিবার থাকলেও কেউ অভিমানে বাড়ি ছেড়েছে, কারও আবার মা-বাবা ফেলে গেছেন। কেউ আবার মা-বাবার পরিচয়ও জানে না। এরই মধ্যে আজ বুধবার পথশিশু দিবস পালিত হচ্ছে।

ইসরায়েলে ক্ষেপণাস্ত্র হামলা: ইরান-লেবাননে উল্লাস, আতশবাজি



ইসরায়েলের ক্ষেপণাস্ত্র হামলা চালানোর ঘটনায় ইরান ও লেবাননের মানুষ সড়কে নেমে উল্লাস প্রকাশ করেছেন। এ সময় আতশবাজির বলকানি দেখা গেছে। অনেকে ফাঁকা গুলি ছুড়ে আনন্দ প্রকাশ করেন। হামলার খবর জানার পরপরই ইরানের রাজধানী তেহরানের সড়কে নেমে আসেন অনেক মানুষ। তাঁদের অনেকেই ইরান ও হিজবুল্লাহর পতাকা ওড়ান।



বসুন্ধরা, বেক্সিমকো, সামিট গ্রুপসহ সাত কোম্পানির শেয়ার লেনদেন স্থগিত!



বসুন্ধরা গ্রুপ, ওরিয়ন গ্রুপ, সামিট গ্রুপ, বেক্সিমকো গ্রুপ, এস আলম গ্রুপ, নাসা গ্রুপ ও থার্ড ওয়েভ টেকনোলজিস লিমিটেডের (নগদ লিমিটেড) শেয়ার ক্রয়-বিক্রয় ও দান অবিলম্বে স্থগিত করার জন্য অনুরোধ জানিয়েছে জাতীয় রাজস্ব বোর্ড (এনবিআর)। যৌথ মূলধন কোম্পানি ও ফার্মগুলোর নিবন্ধক বরাবর এক চিঠিতে এ অনুরোধ জানিয়েছে এনবিআর।